



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

არყა



არყა

არყა, ვარყა, სოკოპიმპილა (*Lactarius piperatus*), საჭმელი ქუდიანი სოკო რძიანა სოკოების გვარისა. ქუდის დიამეტრი 15 სმ-მდე. ზედაპირი წვრილბუსუსიანია და ჟანგისფერი ლაქები აქვს, ქვედა მხარეს – მჭიდროდ ჩალაგებული ვიწრო ფირფიტები. სოკო მთლიანად თეთრია. გადატეხისას გამოყოფს თეთრ, რძისმაგვარ სითხეს, რ-იც ჰაერზე მწვანდება. რბილობი და რძისმაგვარი სითხე ძალიან მწარე

და ცხარეა (ამიტომაც ჰქვია სოკოპიმპილა). იზრდება ნიადაგზე, როგორც წინვოვან, ისე ფოთლოვან ტყეში, განსაკუთრებით ბევრია ნესტიან წიფლნარებში ზაფხულ-შემოდგომით, საქართველოში თითქმის ყველგანაა გავრცელებული. არ იზრდება მხოლოდ კარბონატულ ნიადაგზე (მაგ., ცივკომბორის ქედი და სხვ.). საჭმელად იხმარება ახალიც და დამწნილებულიც.

ი. ნახუცრიშვილი
